

استدینا

نومبر ۱۲

بجانب

۲۷ تشرین ثانی ۱۳۲۴

يك كوزل محافظه ايدليو بردی. بونكه برابر كو پرلی وقعه سنك اسباب اصلیه سی
محتاج ایضاحدر. ابن الضیا

اجمال خارجی

احوال سیاسیه حالا برنك ثابت كسب ایدمبور، هرکون ظهور یافته
اولان یکی یکی برطاقم وقوعات و حادثات احوال سیاسیه به بر شکل دیگر و پرور و وقوعات
و حادثاتك كه مهمی ایتالیا قاره سنده حكومتك خارجی پولتیقه سی اوزرینه جریان
ایدن مذاکرات اولوب كرك بونلك صورت جریانی و كرك بو انساذه خارجیه
ناظری موسیو تیتونی طرفسدن وقوعبولان بیانات بالخاصه يك زیاده جالب
دقتدر. ایتالیانك اتفاق مثلثه اولان رابطی سی يك ضعیف اولدیغنی و ویا نه ده
ایتالیان طلبه نك اوغرا دیغنی تجاوزاتك بورابطه ضعیفه بی برقاندھا رخنه دار ایتدیكنی
كچن هفته یازمش ایدك. مع هذا ایتالیا قاره سنده کی مذاکراتك منحصرأ ویا نه
حادثات الیمه سنك تأثیری تحتیده جریان ایتدیكنه حكم ایتك جائز دكلدر بویه
اولسه ایدی مجلسك احتوا ایتدیكى فرق متعدد سیاسیه نك كافه سی یكربان اولمز،
سریع الزوال برطاقم تأثیراته زبون اولمیان ارباب ثانی و احتیاط البت جریان
مذاکراتی تعدیل ایدم جك صورتده اداره لسان ایدردی. لکن ایتالیا، قاره ده
وقوعی نامسبوق بر صورتده اتحاد افکار کوسرتدی. اك بنام و نافذ الکلام
مبعوثلر ایتالیانك اتفاق مثلثدن مستفید اولمدیغنی، بوسایه ده یالکز اوستریانك
کندی آمال و منویاتی ترویج ایدم کلدیكنی درمیان ایتدیلر. هله موسیو فوریتسك
بو باده کی نطق يك بلیغ ایدی، موسیو الیه « ایتالیا حكومتی اوستریانك خدمتی
قاریسی در كه سنده بولنامیلدر » حكمی اوقدر پارلاق بر صورتده توسیع و تشریح
ایتدی كه بتون مبعوثانك شدتلی القشدرینه مظهر اولدقدن بشقه باش وکیلی
موسیو جیولتی بيله برنده طورهدی، قافندی، بوبدیغ وبلغ سوزلی مبعوثی
آلئندن اوپدی. . . . بتون ایتالیا غزته لری ده موسیو فوریتس حقنده مقالات
تبریکه درج ایتدیلر. . . لکن ایش بوقدرله ده قلمدی. خارجیه ناظری موسیو
تیتونی ایتالیانك خارجی پولتیقه سی تشریح ایتدیكى هنگامه، اوزمانه قدر مجهول

برکینیق اعلام ایتدی ، ایتالیا ایله روسیه آره‌سنده براتلاف عقد ایدلمش اولدیفنی خبر ویردی که بونک نه درجه مهم اولدیفنی محتاج ایضاح دکدر . ایتالیا حکومتی واقعا اتفاق مثلثدن آیرلدفنی بیان ایتیمورسده شوصرسده اوستریا حکومتی ایله آره‌سی آجیق بولنان روسیه ایله آریجه ، و اوستریا و آلمانیا متفقلمینک خبری اولمقسنزین براتلاف پیدا ایتک صورتیله پولتیقه‌سی خیلی تمیدیل ایتدیکی اظهار ایتش اولور . هله ایتالیانک الیوم اوستریا قارشو عادتاً تدارکات حربیه‌ده بولنان صربستان ایله قره‌طاغ حقنده میل و محبت کوسترمسی ، و دیپلوماسی طریقله مظاهرتده بولنه‌جفی بیان ایلمسی بوتبدله برقاندها وضوح ویرمکده‌در . ذاتاً اوستریالیلر بونک فرقنه وارمقدن خالی قالمیدلر ، ایتالیانک روسیه ایله براتلاف پیدا ایتک صورتیله روسیه ، فرانسه وانکلتره‌دن مرکب اولان هیئت دولیه داخل اولمش اولدیفنی وقیم اتفاق مثلثک اتفاق مشادن عبارت قاهره اکا قارشو براتلاف مربع وجوده کلک اوزره بولندیفنی ایستیمه‌رک اعتراف ایدورلر و ایتالیانک هر ایکی طرفده موقعی اوله‌میه‌جفی بالیان انتخاب وضعیت ایتسی لزومندن بحث ایدورلر . شه‌سزدرکه بوتبدل صرف اوستریانک کندی حرکت ناهمواری سیئه‌سیدر . اوستریا حکومتی بین‌الدول منعقد برمعاهده‌ی کیف مایشاه اخلال ایدرک آلمانیان ماعداتون دولتری کوچدرمشیدی . بوموقع مشکله شمعی و یانه‌ده‌کی حادثات منضم اولدیفنی کبی پراغ‌شهرنده چهلرک آلمانلره بدمعامله ایتلری‌ده آلمانیا آلمانلری ناخشنود ایتکدن خالی قالمیور . الحاصل اوستریا حکومتی الیوم یک مضطر برحاله بولونیور . بواسطراردن قورتلحق ایچون کویا دولت عثمانیه‌نک حال وحرکتنده برار مماشات حاصل اولدیفنی بهانه‌سیله اوستریا حکومتی بزه قارشو اتلافجویانه حرکتیه میل کوسترمکه باشلامش ایه‌ده اسلاو دوستلغیله برابر برازده بزم یوزمزدن اوستریا ایله اختلاف جیقارمش اولان روسیه ایله اوزلاشمقدجه بزم ایله اتلاف پیداسی یک ممکن اوله‌میه‌جق کبی کورونیور . شوسیه‌یله الیوم ینه و یانه و پترسبورغ آره‌سنده‌کی مخبرات ومذاکراتک نتیجه‌سنه انتظار ایده‌جکر . روسیه‌نک نقطه نظری معلوم . حکومت

مشارالها مقدما سر ادوار غره ديك موسيو ايزوولسكي ايله ملاقاتلری نتیجه سنده
اتخاذ اولنان قرارده ثبات ايدرك قونفرانسك بهمه حال انعقاد ايتمی خصوصنده
اصرار ایدیور. آستریا بواصراره سرفرو اتمك ایسته میوردی. بقلم بواستاعنده
دها زیاده تمرد ایدیه بیلجه کی؟ هر حالده دول ساره ایشلرك بتون قیش سورونجمه ده
قلمامسی، ایلک بهارک مغل مسالمت وقوعاته مبدأ اولماسی ایچون صلح پرورانه
توسطلری دریغ ایتیمورلر. امید اولنورکه بونجه عناصر مسالمتک اتحادی حرب
احتمالاتنک ازاله سینه، واختلافات حاضرهنک عدل وحقانیته مستند بولنان
حقوق عثمانیه موافق بر صورتده تسویه سینه کافل اوله جقدر.

§ گذران اولان هفته نك سیاست عمومیه به متعلق حادثات مهمه سندن
بری ده ژاپونیا ايله آمریقانك بحر محیط کیر حقنده بر مقاوله عقد و امضا
ایتمش اولملری کیفیتدر. خاطرلرده اولمق کر کدرکه ژاپونیا نك غالبیت کامله سی ايله
نتیجه لن روس - ژاپون محاربه سی عقبنده ژاپونیا ايله آمریکا آرسنده بر محاربه
ظهورینه رفق قلمشیدی. شمدی ایسه یکی دنیا حاکی ايله اقصای شرق حاکی
بر برلینه دست وفق و اتفاق اوزاتیمورلر، او عمان بی پایانده کی حاکمیتلری نك
مصوبیتی ایچون توحید قوت ایدیورلر. ژاپونیا حکومتی قبل المحاربه انکلتزه ايله
عقد مقاوله ایتش بولندیفی کبی محاربه دن صکره روسیه ايله واشنگتون مصالحه
نامه سندن ماعدا دیگر بر استلافنامه دخی امضالامش بولندیفندن شو اوچنجی
مقاوله نامه سی بو حکومت معظمه جسیمه نك الیوم هر طرفدن مطمئن بر حال
آسودکیسی تأمین ایتش اولیور. ایشته بوده شاهراه ترقیده شد رحل اغورینه
مصروف مساعینک ثمرات قیمتدارندن بر نمونه غرادر. ایشته بوده مشروطیت
اداره نك بر مملکتی نه بالاتر بر مرتبه تکامل و تعالی به ایصال ایتدیکنه بر برهان
جلیدر. هنوز دون افق سیاسییده طالع اولان بر دولت نوظهوره بو کون
اسکی ویکی دنیانك الك قوی الشکیمه دولتری دست و داد و وفای اوزاتیمورلر!

محمد صالح